

360 CLASSIS DECIMA SEXTA.

Cumini

Fœniculi ana unciam unam,

Foliorum fennæ sine stipitibus uncias duas,

Sacchari thomæ uncias octo,

Misceantur pulverisita, & fiat cum fellis bovini & mellis anaticò pondere, & sufficienti quantitate massa pro globulis formandis.

SUPPOSITORIA.

℞. Aloes hepaticæ unciam unam,

Salis communis drachmas sex,

Pulveris colocynthidos

Radicis hellebori albi ana uncias duas,

Farinæ frumenti uncias octo,

Vitellorum de ovis numerò quatuor,

Misceantur pulverisata, & fiant cum mellis crudî sufficienti quantitate suppositoria.

Virtutes utriusquè descriptionis ex nomine patesiunt.

SUPPOSITORIA.

Possunt etiam parari simplicia vel ex melle inspissato, vel ex alumine, vel ex sevo cervino.



CLASSIS DECIMA SEPTIMA,

D E

UNGUENTIS.

UNGUENTUM ÆGYPTIACUM.

℞. Viridis æris libram unam,
Aceti fortis uncias sedecim,

Mellis

CLASSIS DECIMA SEPTIMA. 361

Mellis libras duas uncias octo,
Coquantur, ut fiat unguentum spissum.

Saniem siccatur, sordes detergit, carnem absorbit, ulcera maligna & purida mundificat, in erosione gingivarum scorbutica precipuus est usus.

UNGUENTUM AGRIPPÆ.

℞. Radicis bryoniæ libras duas,
Cucumeris asinini libram unam,
Squillæ libram semis,
Ireos uncias tres,
Filicis
Ebuli

Tribulorum aquaticorum ana uncias duas;
Ceræ albæ uncias quindecim,
Olei olivarum libras quatuor,
Radices recentes mundatæ, incisæ & contusæ mace-
rentur per octiduum in vino, dein cum oleo co-
quantur ad humidi consumptionem, & exprimantur,
in colato dissolvatur cera, ut fiat unguentum.

Ad suffusiones lymphaticas, tumores & nervorum contractiones, nephritidem, stranguriam, ventrisque dolores adhibetur.

UNGUENTUM ALABASTRINUM.

℞. Florum rosarum recentium libras duas,
Chamæmeli romani uncias sedecim,
Herbæ recentis rutæ hortensis
Betonicæ ana uncias octo,
Radicis althææ recentis uncias quatuor,
Axungie porcine libras octo,
Contundantur, & ad humidi exhalationem coquan-
tur, colentur, & colatura cum
Ceræ albæ libra una

Z z

Redi-

362 CLASSIS DECIMA SEPTIMA.

Redigatur in unguentum, in fine addendo
Lapis alabaſtri præparati libram unam.

In omnibus capitis doloribus opiato ſucceſſu adhibetur.

UNGUENTUM ALBUM SIMPLEX.

℞. Axungia porcinae libras duodecim,
Cerulæ venetæ prius in aceto deſtillato diſſo-
lutæ libras ſex,
Fiat unâ vel alterâ ebullitione unguentum.

*Ad ambuſta ſcabiem & cutis puſtulas, pruriginem;
ſerpigines, & ulcera acria recommendatur.*

UNGUENTUM ALBUM CAMPHORATUM.

℞. Unguenti albi ſimplicis libram unam,
Camphoræ unciam ſemis,
Miſceantur benè pro unguento.

*Eaſdem cum priori, ſed ob camphoram potentiores
vires habet, putredini & inflammationibus reſiſtendi.*

UNGUENTUM DE ALTHÆA.

℞. Radicis althææ libras duas,
Semini lini
Fœnugræci ana libram unam,
Axungia porcinae libras duodecim,
Cerae citrinæ libras duas,
Terebinthinæ claræ libram ſemis,
Reſinæ libram unam ſemis,
Radicis & ſemina contuſa macerentur in aquæ fon-
tanæ ſufficienti quantitate, tum coquantur ad viſ-
coſam mucilaginem, quæ exprimitur,
Hujus expreſſionis libræ quatuor
Coquantur cum axungia, &
Radicis curcumæ contuſæ unciis duabus,

Ad

CLASSIS DECIMA SEPTIMA. 363

Ad consumptionem humidi in mucilagine detenti,
dein resina, cera, & terebinthina liquata & colata
admisceantur, ut paretur unguentum.

*Emollit, calefacit, & humectat, pectoris laterumque
doloribus medetur, viscerum durities, obstructiones, ven-
trisque inflationes tollit, & affectibus nervorum succurrit.*

UNGUENTUM AD AMBUSTA.

℞. Olei liliorum alborum libram unam,
Ceruffæ libram semis,
Coquantur ad dissolutionem, dein addantur
Pulveris boli albi uncix quatuor,
Olibani uncix duæ,
Albuminum ovorum numero sex,
Et redigantur in unguentum.

UNGUENTUM AD AMBUSTA EX PULVERE
PYRIO.

℞. Pulveris nitri crudi uncias quatuor,
Vitrioli hungarici,
Aluminis crudi
Salis armoniaci
Camphoræ ana unciam unam,
Terebinthinx claræ uncias duas,
Aceti accerrimi uncias quatuor,
Olei lini purissimi
Mellis ana libram unam semis,
Coquantur omnia, lege artis, in unguentum.

*Vires utriusque hujus unguenti ab inscriptionibus desu-
muntur.*

UNGUENTUM ANODINUM.

℞. Olei liliorum alborum libram semis,
Anethi
Z z z Chamæ-

364 CLASSIS DECIMA SEPTIMA.

Chamæmeli
Amygdalarum dulcium
Pinguedinis anatis
Gallinæ ana uncias duas,
Ceræ albæ libram semis,
Liquefeat cera in oleis & pinguedinibus, ut fiat
unguentum.

Cujus vires nomen impositum indigitat.

UNGUENTUM APOSTOLORUM.

℞. Terebinthinæ claræ
Resinæ
Ceræ citrinæ
Gummi ammoniaci præparati ana uncias duas,
Radici aristolochiæ longæ
Thuris electi
Gummi bdellii ana unciam unam,
Galbani aceto præparati
Opopanacis aceto præparati
Myrrhæ rubræ
Viridis æris ana unciam semis,
Lithargyrii drachmas decem,
Olei communis libras tres,

Oleum cum lithargyrio lento igne coquatur sufficien-
ter, dein admisceantur cera & resina liquata & co-
lata, ab igne remotis, & non nihil refrigeratis am-
moniacum, galbanum, opopanax cum terebinthina
soluta, tandem & reliqua pulverisata immisceantur,
ut fiat unguentum.

*In vulneribus & ulceribus fistulosis sordes exsiccat, &
detergit, exasam carnem restaurat, indurataque emollit.*

UNGUENTUM DE ARTHANITA.

℞. Radicis cyclaminis recentis libras tres,
Cucumeris afinini recentis
Butyri recentis ana libram unam,

Olei

CLASSIS DECIMA SEPTIMA. 365

Olei irini libras duas,
Pulpæ colocynthidos uncias quatuor,
Polypodii quercini libram semis,
Contundenda contundantur, & addendo
Fellis taurini unciam unam
Coquantur ad aquositate consumptionem, colentur,
& exprimantur, in colato dissolvantur
Ceræ citrinæ uncia quinque,
Tandem fermè refrigeratis successivè immisceatur se-
quens pulvis:
℞. Gummi euphorbii
Sagapeni
Scammonei
Aloes
Seminis mezerei
Turbith ana unciam unam,
Salis gemmæ unciam semis,
Myrrhæ rubræ
Piperis longi
Zinziberis
Florum chamæmeli ana drachmas tres,
Et ex his ritè permixtis fiat unguentum.

*Illitum hoc unguentum ventriculo vomitum, illitum hy-
pogastrico alvum movet, hydropis serum evacuat, ver-
mesquè necat & subducit. . .*

UNGUENTUM AD ATROPHIAM
PARTIUM EXTERNARUM.

℞. Axungia humanæ uncias quatuor,
Unguenti populei
Martiatî ana uncias duas,
Olei spicæ
Philosophorum
Arcani aluminis ana unciam semis,
Miscan-

366 CLASSIS DECIMA SEPTIMA.

Misceantur omnia, & redigantur in unguentum.

Virtutes ab ipsa nominis insignitione derivari possunt.

U N G U E N T U M A U R E U M.

- ℞. Cerae citrinæ libram semis,
Olei olivarum libras duas semis,
Terebinthinæ claræ uncias duas,
Colophonix
Resinæ ana unciam unam semis,
Thuris
Mastichis ana unciam unam,
Crocii austriaci drachmam unam,

Cera cum resina & colophonia liquata & colata oleo admisceantur, tandem terebinthina & reliqui pulveres addantur.

In vulneribus consolidandis aureum prestat effectum.

U N G U E N T U M B A S I L I C U M.

- ℞. Cerae Flavæ
Sevi arietini
Resinæ
Picis navalis
Terebinthinæ claræ ana libram semis,
Olei libram unam,

Cera, sebum, resina & pix cum oleo ad lenem ignem solvantur, dein terebinthina addatur ad conficiendum unguentum.

Virtutes sunt digerentes, maturantes, & suppurantes, si tumoribus & vulneribus adhibeatur.

U N G U E N T U M C A L E N D U L Æ.

- ℞. Florum calendulæ recenter collectorum libram unam,
Butyri

CLASSIS DECIMA SEPTIMA. 367

Butyri recentis non saliti libras duas,
Incisi flores cum butyro coquantur ad justam con-
sistentiam, ut peractâ colaturâ, & forti expressione
unguento color flavus procuretur.

*Aperit, discutit, tumores & obstructiones resolvit,
flatuque dispellit.*

UNGUENTUM CARMINATIVUM.

℞. Florum sambuci
Chamæmeli
Herbæ absinthii
Menthæ
Rutæ
Abrotani
Anethi
Fœniculi ana recentium uncias tres,
Axungię porcine libras duodecim,
Incisa & contusa coquantur ad humidi consumptio-
nem, in colatura & expressione dissolvantur
Ceræ citrinæ
Sevi cervini ana libra semis,
Olei laurini libra una,
Post refrigerationem addantur
Olei destillati carvi uncia duæ,
Anethi
Fœniculi
Cumini ana uncia semis,
Ut fiat unguentum.

Vires hujus unguenti ex ipso nomine colligi possunt.

UNGUENTUM CLYSMATICUM.

℞. Herbarum quinque emollientium recentium ana
uncias duas,
Radicis

368 CLASSIS DECIMA SEPTIMA.

Radiciſ liliſorum alborum
Althææ ana uncias quatuor ,
Florum chamæmeli
Meliloti ana recentium unciam unam ſemis,
Axungię porcinæ libras quinque ,
Piſtentur invicem , coquantur ad humidi conſumptionem ,
exprimantur , ut fiat unguentum.

*Adhibetur in clyſteribus vel per ſe , vel permixtum .
leni etenim , digerit , induratas fæces emollit , & tormina ſedat alvum blandè ſubducendo .*

UNGUENTUM COMITISSÆ.

℞. Baccarum myrtillorum
Glandium quercûs
Nucum cupreſſi
Corticum caſtanearum
Granatorum ana uncias duas ,
Herbæ equiſeti
Burfæ paſtoris
Hyperici
Pyrolæ ana unciam unam ,
Ex conciſis & contuſis fiat fortis decoctio cum aquæ
fontanæ ſufficienti quantitate , coletur , colatura ru-
fus coquatur cum
Olei olivarum libris tribus
Ad humidi conſumptionem in fine addendo
Ceræ citrinæ libram unam ,
Demum immiſceantur
Pulveris maſtichis
Olibani
Sanguinis draconis
Boli armenæ præparatæ
Gallarum turcicarum
Terræ vitrioli dulcis
Succi hypociſtidis

Radiciſ

CLASSIS DECIMA SEPTIMA. 369

Radiciſ tormentillæ

Biftortæ ana uncia una,

Et inde unguentum paretur.

*Ad immodicum menſum & hamorrhoidum fluxum :
item abortum præcavendum ſalubrius adhibetur.*

UNGUENTUM AD CRINES CRESCENDOS.

℞. Oculorum populi recentium libram unam,
Olei nucum avellanarum expreſſi libras duas,
Cannabini expreſſi libram ſemis,
Radiciſ bardanæ
Lapathi acuti ana recentis libram ſemis,
Favi mellis libram unam,
Coquantur ad humiditatis conſumptionem, tum co-
lentur, & addantur
Ceræ citrinæ unciæ quatuor,
Tandem etiam
Olei nucifæ expreſſi unciæ duæ,
Axungię viperarum unciæ tres,
Et inde paretur unguentum.

Cujus virtutes nomen indigitat.

UNGUENTUM DEOPILATIVUM.

℞. Florum chamæmeli recentium uncias tres,
Corticis tamarifci
Herbæ recentis anethi
Apii
Fœniculi
Ebuli
Rutæ hortenfis
Menthæ criſpæ
Radiciſ bryoniæ ana uncias duas,
Recentia incidantur, miſceantur, & infundantur in
Axungię porcine libris ſex,
A a a Coquan-

370 CLASSIS DECIMA SEPTIMA.

Coquantur ad humiditatis consumptionem, colentur, & exprimantur, & in colatura dissolvantur

Axungia anserinae libra una,
Cerae citrinae unciae octo,
Ut fiat unguentum.

Vires sunt resolventes, flatus discutientes, obstructions hepatis & lienis, praecipue in juvenilibus tollentes.

UNGUENTUM DIGESTIVUM,
SIVE MATURATIVUM.

℞. Terebinthinae clarae libras duas,
Olei hyperici libram semis,
Vitellorum ovorum numero sex,
Mastichis
Myrrhae rubrae
Olibani ana unciam unam,
Misceantur in unguentum.

In vulneribus materiam peccantem digerit, & ad supurationem promovet.

UNGUENTUM FELIX WURZII
PURPUREUM.

℞. Herbæ scrophulariæ
Chelidoniæ
Veronicæ
Polygoni ana uncias tres,
Incisæ & contusæ stent in aceti optimi sufficienti
quantitate infusæ per aliquod dies, expressis dein &
colatis addantur
Terræ vitrioli dulcis
Phlegmatis vitrioli ana libra una,
Mellis despumati libræ tres,
Viridis æris uncia septem,

Coquan-

CLASSIS DECIMA SEPTIMA. 371

Coquantur ad justam consistentiam, ut fiat unguentum purpureum.

In tumoribus, scrophulis, item ani mariscis attenuando, incidendo, & abstergendo conducit.

UNGUENTUM FUSCUM.

℞. Cerae citrinæ uncias quatuor,
Picis navalis
Colophonæ
Gummi sagapeni præparati ana uncias duas,
Galbani præparati
Mastichis
Thuris electi
Terebinthinæ claræ ana unciam unam,
Olei olivarum libram unam,
Cera cum pice liquata & colata oleo immisceatur,
quibus semirefrigeratis mastix & thus pulverifata,
tandem invicem liquata sagapenum, galbanum &
terebinthina addantur, ut fiat unguentum.

Ad vulnera mundificanda, emollienda, & pus concoquendum salubriter adhibetur.

UNGUENTUM AD HÆMORRHOIDES.

℞. Amyli albissimi
Cerussæ lotæ
Lithargyrii puri
Plumbi usti
Tragacanthi ana drachmas sex,
Opii thebaici
Camphoræ ana scrupulos quatuor,
Albuminum ovorum numero duo,
Mucilaginis feminis psyllii
Olei rosarum
Verbasci ana libram semis,
A a a z Ceræ

372 CLASSIS DECIMA SEPTIMA.

Ceræ citrinæ uncias tres,
Cera in oleo liquefiat, dein camphora & pulveres,
ultimò albumina ovorum addantur, & conficiatur un-
guentum.

*In doloribus & mariscis hemorrhoidum utiliter adhi-
betur. . .*

UNGUENTUM INFRIGIDANS GALENI.

℞. Olei rosarum libram unam,
Ceræ albæ uncias tres,
Liquetur cera in oleo, addendo succi citri, quan-
tum sub continua agitatione capere potest ad confi-
ciendum unguentum.

*In hellica ad humectandum, & renum doloribus à
causa calida provenientius optatum effectum præstat.*

UNGUENTUM LINARIÆ.

℞. Herbæ linariæ recentis cum floribus
Butyri non saliti ana libram unam,
Contundantur, coquantur ad humidi consumptionem,
& exprimatur unguentum.

*Hemorrhoidum doloribus & inflammationibus demulcen-
do medetur. . .*

UNGUENTUM DE LIQUIRITIA.

℞. Radicis liquiritiæ recentis & succulentæ libras
duas,
Concisæ contundantur, & coquantur cum
Butyri recentis libris duabus,
Colentur, & exprimantur, colaturæ addantur
Pompholygos uncia semis,
Cerussæ lotæ libra semis,
Albuminis ovorum conquassati uncia tres,
Cam-

CLASSIS DECIMA SEPTIMA. 373

Camphoræ scrupuli quatuor,
Omnia ritè permiscendo fiat unguentum.

*Ad partium inflammationes, & manantiâ à sero acri
ulcera sperato successu adhibetur.*

UNGUENTUM DE LITHARGYRIO.

℞. Olei rosarum libras duas,
Ceræ albæ libram semis,
Solvantur invicem, quibus solutis sub continua agi-
tatione successivè addatur aceti lithargyrii saturatissi-
mi, quantum capere potest, donec liquidiusculum
unguentum efformetur.

*In scabie, pruritu cutis, vulneribus, & desquamma-
tione siccanda prodest, ulcera antiqua sanat, carnem amif-
sam, ut epuloticum, restituit. . .*

UNGUENTUM MAJORANÆ.

℞. Herbæ majoranæ recentis
Butyri non saliti ana libram unam,
Contundantur, & coquantur ad humidi consumptionem,
tandem exprimentur, & addantur
Olei majoranæ destillati guttas duodecim,
Et paretur inde unguentum.

*Vires sunt precipue in affectibus nervorum, & dolori-
bus capitis, hinc ut errhinum conducit. . .*

UNGUENTUM MARTIATUM.

℞. Foliorum lauri
Rutæ
Majoranæ
Rorismarini ana libram unam,
Spicæ nardi
Myrti
Salviæ
Ebuli

Menthæ

374 CLASSIS DECIMA SEPTIMA.

Menthæ crispæ
Basiliconis ana libram semis,

Styracis calamitæ

Mastichis

Thuris ana uncias tres,

Olei olivarum libras sex,

Ceræ citrinæ libras duas,

Medullæ cervinæ libram unam,

Axungiæ urfi

Gallinæ ana libram semis,

Herbæ recentes in vini albi sufficienti quantitate macerentur per aliquod dies, dein lento igne coquantur cum oleo ad humidi consumptionem, colentur, & exprimentur, tum cera, medulla & axungiæ invicem liquata, tandem pulveres successivè inspergendo admisceantur, ut unguentum fiat.

Ad capitis, pectoris, stomachi, hepatis, lienis, aliorumque viscerum affectus, præcipuè obstructions à causa frigida ortas conducit emolliendo & resolvendo, cardialgia quoque & hydropi infantum opiuntur.

UNGUENTUM AD MEMBRA
GELU PERUSTA.

℞. Pinguedinis cati sylvestris

Sevi cervini

Olei laurini

Ceræ citrinæ ana uncias duas,

Camphoræ unciam semis,

Diluatur camphora in

Spiritus vini rectificati uncia una,

Et reliquis invicem liquatis misceatur, ut unguentum fiat.

Vires ab ipso nomine colliguntur.

UNGUEN-

CLASSIS DECIMA SEPTIMA. 375

UNGUENTUM MENDICORUM.

- ℞. Radicis morsus diaboli recentis
Baccarum juniperi viridium ana uncias quinque,
Summitatum urticæ urentis
Oculorum populi
 Bétulæ
 Quercus ana recentium uncias duas
 semis,

Concisa & contusa misceantur, & cum
Butyri non saliti libris duabus semis
Coquantur ad justam consistentiam, pistillo semper
agitando

*In vulneribus recentibus, cutis exulcerationibus, &
pulmonum ac pectoris affectibus summe recommendatur.*

UNGUENTUM DE MINIO.

- ℞. Olei rosati libram unam semis,
Minii uncias octo,
Tutiæ præparatæ unciam unam,
Cainphoræ unciam semis,
Ceræ citrinæ uncias quatuor,
Liquata cera cum oleo lento igne misceatur cum re-
liquis ingredientibus pro unguento.

*Humorum acrimoniam obtundit, refrigerat, ac siccatur,
hinc ad ulcera cancrorum & erysipelatodes adhibetur.*

UNGUENTUM NERVINUM.

- ℞. Baccarum juniperi viridium libram semis,
Herbæ salviæ
 Chamæpityos
 Majoranæ
 Rorismarini
 Rutæ
Laven-

376 CLASSIS DECIMA SEPTIMA.

Lavendulæ
Hyperici
Paralyseos
Anethi
Serpilli
Pulegii

Florum chamæmeli
Meliloti ana recentium uncias tres,
Lumbricorum terrestrium libram semis,
Concisa & contusa misceantur, & irrorentur
Vini albi libris duabus,
Dein macerentur per triduum in
Axungia porcinae libris sex,
Coquantur ad humidi consumptionem, & colentur,
colaturæ post fortem expressionem addantur
Cerae citrinae uncia octo,
Axungiae humanae
Cati sylvestris
Caninae
Vulpinae
Olei laurini ana uncia tres,
Juniperi
Terebinthinae ana uncia una,
Benzoes uncia semis,
Ut fiat unguentum.

*Affectibus nervorum frigidis, eorundemque spasmodicis
contractionibus & doloribus medetur.*

UNGUENTUM NICOTIANÆ.

℞. Foliorum nicotianæ recentium
Axungia porcinae ana libras duas,
Succi nicotianæ libram semis,
Contundatur herba & cum axungia ac succo per
noctem maceretur, manè fiat decoctio lento igne ad
humidi

CLASSIS DECIMA SEPTIMA. 377

humidi absorptionem, dein colatura & expressio, in
expressione liquefant

Resinæ

Ceræ citrinæ ana uncia tres,

Addendoquæ

Radicis aristolochiæ rotundæ veræ in subtilissimum
pollinem redactæ uncias duas

Fiat unguentum.

*Ad scrophulas dissipandas, ulcera & vulnera persananda,
adusta, tineam capitis, & cutis scabiem mundificandam confert. . .*

UNGUENTUM NIHILI.

℞. Nihili albi

Tutiæ præparatæ ana unciam unam,

Coralliorum rubrorum præparatorum

Matris perlarum præparatæ ana unciam semis,

Camphoræ drachmam unam,

Axungie porcine mundatæ libram unam,

Misceantur in unguentum.

*Oculorum inflammationes demulcet, rubedinem, defluxiones,
indequæ ortos dolores tollit. . .*

UNGUENTUM PARALYTICUM.

℞. Unguenti nervini uncias tres,

Ceræ citrinæ uncias quatuor,

Olei laurini expressi uncias duas,

Juniperi

Philosophorum

Succini ana drachmas sex,

Lavendulæ

Anthos

Salviæ ana drachmam unam,

Axungie castorei

B b b

Pulve-

378 CLASSIS DECIMA SEPTIMA.

Pulveris euphorbii ana unciam semis,
Aluminis plumosi unciam unam,
Misceantur, ut fiat unguentum.

*Membra paralytica refocillat, inhaerentem nervis ma-
zeriam digerit, in ischiatica affectione, & arthritide quo-
que conducit.*

UNGUENTUM PECTORALE.

℞. Olei amygdalarum dulcium uncias quatuor,
Chamæmeli
Violarum ana uncias tres,
Butyri recentis uncias sex,
Adipis gallinæ
Anatis ana uncias duas,

Radicis ireos drachmas duas,
Crocii austriaci drachmam semis,
Spermatidis ceti unciam unam semis,
Cerae albæ uncias tres,
Liquentur in oleis cera, adipis, & sperma ceti,
dein radix & crocus pulverisata immisceantur, ut
fiat unguentum.

*Laterum & thoracis affectibus medetur, tussim sedat,
humores crassos digerit, & excreationem promovet.*

UNGUENTUM PEDICULORUM.

℞. Seminis staphisagriae
Sabatiliæ ana uncias duas,
Radicis hellebori albi unciam unam,
Salis communis drachmas duas,
Mercurii vivi uncias duas,
Axungia porcinæ libram unam semis,
Olei laurini uncias novem,
Spiciæ unciam unam,
Anisi drachmas duas,

Mer→

CLASSIS DECIMA SEPTIMA. 379

Mercurius cum axungia tam diu agitetur, donec splendorem amittat, dein commixta invicem pulverifata cum reliquis redigantur in unguentum.

Vires ab ipso nomine facile colliguntur.

UNGUENTUM PLEURITICUM.

℞. Unguenti de althæa libram semis,
Axungix muris montani uncias quatuor,
Ceræ citrinæ
Olei lini ana uncias tres,
Croci austriaci drachmas duas,
Olei chamæmeli
Cumini
Ceræ ana destillatorum drachmam unam,
Misceantur, ut fiat unguentum.

In dolore pleuritico sedando, & apostemmatibus resolvendis mira est efficacia...

UNGUENTUM POMATUM.

℞. Axungix porcine recentis cum pomis citri & aurantium ana duobus, & pomis porstorfensibus quatuor ad humiditatis consumptionem coctæ & colatæ libras tres,
Olei destillati benzoës
Cinnamomi
Styracis ana guttas decem,
Caryophyllorum
Ligni rhodii ana guttas viginti,
Misceantur, ut unguentum inde fiat.

Ad fissuras oris, & cutis decorem conciliandum adhibetur...

UNGUENTUM POPULEUM.

℞. Oculorum populi arboris recentium libram unam semis,

Bbbz

Axun-

380 CLASSIS DECIMA SEPTIMA.

Axungia^e porcina^e libras sex,
Oculi populi contundantur, & macerentur in axun-
gia tam diu, donec sequentes herbæ per ætatem re-
centes colligi possint, scilicet:

Foliorum hyoscyami uncia^e sex,

Papaveris albi

Solani

Sempervivi majoris

Minoris

Lactuca^e

Bardana^e

Violaria^e

Umbilici veneris

Cymarum rubi tenerrimarum ana uncia^e tres,
Herbæ contusæ misceantur oculis populi, & axun-
gia^e, dein coquantur lento igne ad humiditatis con-
sumptionem, colentur, & exprimantur, ut unguen-
tum fiat.

*Febrim ardoribus conducit, somnum conciliat, ob-
structionibus item juvenum reserandis proficuum est. . .*

UNGUENTUM AD RANULAM LINGUÆ.

℞. Pulveris viridis æris

Aluminis saccharati ana unciam unam,

Mellis despumati, quantum satis,

Fiat molle unguentum, vel potius linimentum.

*Usus hujus linimenti repetitus ex ipsa denominatione
declaratur.*

UNGUENTUM RESUMPTIVUM.

℞. Seminis scænuagræci

Althææ

Lini ana unciam semis,

Gummi arabici

Traga-

CLASSIS DECIMA SEPTIMA. 381

Tragacanthi ana drachmas duas,
Macerentur, & bulliant in aquæ fontanæ sufficienti
quantitate, ut inde crassa mucilago eliciatur, & hæc
colata cum

Butyri recentis
Medullæ vituli ana libra semis,
Adipis porcinae
Gallinae
Anseris
Anatis

Olei amygdalarum dulcium
Chamæmeli

Violarum ana unciis duabus,

Coquatur ad humidi consumptionem, in fine ad-
dendo

Ceræ albæ libram semis,

Sevi arietis unciam unam,

Et paretur inde unguentum.

*In asthma, hæctica, tabe, pleuritide, & reconva-
lescentia à diuturnis morbis optato successu adhibetur.*

UNGUENTUM ROSATUM MESUE.

℞. Florum rosarum rubrarum succo citri imprægna-
tarum libras duas,

Axungia porcinae libras quatuor,

Decoquantur invicem ad humidi consumptionem,
dein colentur, & unguentum servetur usui.

*Ad exulcerationes serpentes, & phlegmonas, veniem ar-
dores, hæmorrhoidumquæ inflammationes adhibetur.*

UNGUENTUM ROSATUM SIMPLEX.

℞. Axungia porcinae libras duas,

Lavetur sæpissimè aquâ rosarum, donec albissima &
benè odorata fuerit; possunt etiam pro libitu in fine
aliquot guttæ olei ligni rhodii addi.

Virtu-

382 CLASSIS DECIMA SEPTIMA.

Virtutibus cum precedenti convenit.

UNGUENTUM RUBRUM POTABILE.

- ℞. Butyri recentis non saliti libras sex,
Fibrarum rubiæ tinctorum
Radici tormentillæ ana uncias tres,
Bulliant invicem in vini rubri odorati sufficienti quan-
titate ad ejus consumptionem, colentur, & factâ
expressione addendo
Spermatis ceti uncias tres
Fiat unguentum.

*Ad concretum sanguinem resolvendum in contusio-
nibus & aliis internis vulneribus tam in, quàm extra
adhibetur.*

UNGUENTUM SANTALINUM.

- ℞. Olei rosati libram unam,
Ceræ citrinæ uncias tres,
Pulveris florum papaveris erratici
Rosarum rubrarum
Santali albi
Citrini ana unciam semis,
Rubri unciam unam,
Camphoræ drachmas duas,
Misceantur, & fiat inde unguentum.

*Affectionibus hepatis & lienis scirrhis & induratis
conducere solet.*

UNGUENTUM AD SCABIEM.

- ℞. Axungiaë porcinaë libras tres semis,
Olei laurini libram semis,
Lithargyrii uncias novem,
Florum sulphuris simplicium uncias quinque,
Salis nitri uncias duas,

Olei

CLASSIS DECIMA SEPTIMA. 383

Olei destillati benzoin drachmam unam semis,
Lithargyrio cum axungia soluto reliqua admiscean-
tur, ultimò addendo oleum benzoin, & sic fiat un-
guentum.

Virtutes ex ipsa nominis inscriptione desumuntur.

UNGUENTUM SOMNIFERUM.

- ℞. Unguenti populei
Alabastrini
Olei nymphææ
Papaveris albi
Hyoscyami expressi ana uncias duas semis,
Nucis moschatæ expressi unciam semis,
Pulveris corticis mandragoræ drachmas sex,
Crocii austriaci scrupulos quatuor,
Opii in aceto dissoluti drachmas tres,
Ceræ citrinæ uncias quatuor,
Ex invicem debite permixtis fiat unguentum.

Virtutes ejusdem nomen indigitat.

UNGUENTUM SPLENETICUM.

- ℞. Pulveris corticum capparum
Tamarisci
Herbæ ceterach
Semini cumini ana unciam unam,
Gummi ammoniaci
Bdellii ana aceto squillitico solutorum unciam
unam semis,
Olei capparum
Chamæmeli
Anethi
Ceræ citrinæ ana uncias quatuor,
Miscantur in unguentum.

Virtus

384 CLASSIS DECIMA SEPTIMA.

Virtutes sunt calefacientes, emollientes, resolventes, aperientes & simul confortantes.

UNGUENTUM STOMACHICUM
ORDINARIUM.

℞. Herbarum absinthii
Menthæ
Majoranæ
Florum chamæmeli romani ana recentium uncias
quatuor,

Coquantur in
Axungie porcine libris quatuor
Ad humidam consumptionem, dein colaturæ addatur
Pulveris caryophyllorum
Nucis moschate ana uncia una,
Mastichis uncia una semis,
Et fiat unguentum.

UNGUENTUM STOMACHICUM PRETIOSUM.

℞. Olei mastichis
Menthæ
Cydoniorum ana uncias octo,
Nucis moschate expressi uncias duas,
Pulveris ligni aloes
Calami aromatici
Caryophyllorum
Macis ana unciam unam,
Balsami indici nigri unciam semis,
Olei caryophyllorum scrupulos duos,
Anisi scrupulum unum,
Cere citrinæ uncias octo,
Ex permixtis, lege artis, fiat unguentum.

*Utrumque hoc unguentum in ventriculi debilitate, inap-
petentia, diarrhæa, aliisque alvi profluviis verè stoma-
chicum est medicamentum.*

UNGUEN-

CLASSIS DECIMA SEPTIMA. 385

UNGUENTUM DE STYRACE.

℞. Styrcis liquidæ
Olei nucum
Gummi elemi
Ceræ virginæ ana uncias tres drachmas tres ;
Colophonii uncias septem ,
Misce , & fiat , lege artis , unguentum.

Vires in ulceribus scorbuticis mundificandis deprehenduntur.

UNGUENTUM DE TUTIA,

℞. Olei rosati
Ceræ albæ ana libram semis ,
Succi solani unciam unam ,
Cerussæ lotæ uncias duas ,
Plumbi usti & loti
Tutiæ præparatæ ana unciam unam ,
Thuris unciam semis ,
Cera cum oleo leni igne liquefcat , dein succus instilletur , tandem reliqua pulverisata admisceantur , ut fiat unguentum.

Vulnera sordida , tibiærumquè ulcera sanat , erysipelætodés siccât , putridasquè ac cancrósas oculorum exulcerationes mundificat. . .

UNGUENTUM VERBASCI.

℞. Florum verbasci recentium libram unam semis ,
Butyri recentis non saliti libras duas ,
Incisi flores cum butyro coquantur , colentur , & exprimantur , ut unguentum inde fiat.

Ad tenesmum , & dolores præcipuè hæmorrhoidales mitigandos & discutiendos bono successu adhibetur. . .

Ccc

UNGUEN-

386 CLASSIS DECIMA SEPTIMA.

UNGUENTUM CONTRA VERMES.

℞. Cerae citrinæ uncias duas,
Olei absynthii
Amygdalarum amararum
Abrotani
Rutæ ana unciam unam semis,
Liquefiant invicem, dein addatur
Fellis taurini inspissati uncia una,
Pulveris aloes hepaticæ
Corallinæ
Seminis cinæ
Lupinorum
Colocynthidos
Herbæ tanaceti ana drachma una,
Et paretur inde unguentum.

*Umbilico & ventri inunctum vermes necare, & per
secessum expellere solet. . .*

UNGUENTUM VIRIDE REGINÆ.

℞. Herbæ chærefolii uncias tres,
Salviæ
Hederæ terrestris
Scabiosæ
Farfaræ
Marrubii
Betonicæ
Scolopendrii
Fœniculi
Veronicæ
Consolidæ majoris
Saracenicæ
Alchimillæ
Rutæ
Millefolii

Agri:

CLASSIS DECIMA SEPTIMA. 387

Agrimoniæ

Plantaginis

Urticæ

Hyssopi

Hyperici ana unciam unam semis,

Limacum nigrorum

Cancrorum fluviatilium ana numero quindecim,

Butyri recentis libras decem,

Coquantur ad humidi consumptionem, colentur, & exprimantur, ut unguentum fiat.

Et externe & interne ruptis, convulsis, ex alto delapsis, catarrhosis, aliisque pectoris affectibus laborantibus summe proficuum est. .



CLASSIS DECIMA OCTAVA,

DE QUIBUSDAM

CHYMICIS.

Et consimilibus, quæ prioribus in Classibus non continentur.

ÆTHIOPS MINERALIS.

℞. Mercurii vivi

Florum sulphuris ana uncias quatuor,
Misceantur exactè, & calcinentur in patena terrea,
donec in pulverem nigrum redigantur.

Ad vermes necandos & expellendos, gonorrhæam virulentam, & scabiem corporis conducit. .

Cccz

ALU-